



Kanton Zürich
Sicherheitsdirektion
Migrationsamt

Bez papira



Sans-Papiers su osobe, koje u Švicarskoj prebivaju bez boravišne dozvole više od mjesec dana, odnosno na neodređeno vrijeme.

Osobama bez papira se može izdati boravišna dozvola ukoliko za to postoji takozvani lični poseban slučaj.

Izdavanje boravišne dozvole radi ličnog posebnog slučaja je iznimna situacija, te uvijek podliježe ispitivanju od slučaja do slučaja.

U ovoj brošuri možete naći informacije o tome koji uslovi treba da budu ispunjeni.



Uslovi za izdavanje boravišne dozvole za posebne slučajeve:



Morate dokazati identitet na osnovu važećih ličnih dokumenata (pasoš/putovnica) iz domovine.



Morate dokazati višegodišnji boravak u Švicarskoj (minimalno neprekidno 10 godina za pojedince, minimalno 5 godina za porodice). Dužinu boravka možete dokazati na osnovu ugovora za stan, radnih ugovora, obračuna zdravstvenog osiguranja ili sličnih dokumenata.



Ne smijete biti kažnjavani (Izuzetak: Kršenje Zakona za strance i integraciju vezano za vaš ilegalni boravak).



Morate dokazati stabilne finansijske odnose (zaposlenje na neodređeno vrijeme i dovoljna primanja koja garantiraju ekonomsku samostalnost).



Ne smijete imati izvršenje dugova (pljenidbi) ili otvorenih potvrda o gubitku.



Morate dokazati poznavanje njemačkog jezika priznatim certifikatom za A2 nivo.



Morate biti socijalno integrirani u Švicarskoj (krug poznanstava, učešće u socijalnom životu kao npr. u sastajanjima vaše četvrti ili u udruženjima).



Morate dokazati da ne postoji mogućnost reintegracije u zemlji porijekla.

Osnovno strukovno obrazovanje za mlade bez papira

Da bi se omogućilo osnovno stručno osposobljavanje, mladim osobama bez papira se pod sljedećim uslovima može odobriti boravišna dozvola:



Morate dokazati identitet na osnovu važećih ličnih dokumenata (pasoš/putovnica) iz domovine.



Morate dokazati da ste 5 godina pohađali obaveznu školu u Švicarskoj. Uzima se u obzir i sudjelovanje u ponudama za premošćivanje.



Zahhtjev morate predati u roku od 12 mjeseci po završetku obavezne škole ili ponude za premošćivanje.



Morate priložiti zahtjev poslodavca s ugovorom o radu u kojem se poštuju uslovi rada prema članu 22 Zakona za strance i integraciju.



Ne smijete kršiti pravni sustav (Izuzetak: Kršenje Zakona za strance i integraciju vezano za vaš ilegalni boravak).



Ne smijete imati izvršenje dugova (pljenidbi) ili otvorenih potvrda o gubitku.

Postupak

Osobe bez papira mogu kod Migracione službe kantona Ciriha podnijeti zahtjev za ispitivanje takozvanog posebnog slučaja. Uz zahtjev je potrebno dokazati identitet kao i kriterije navedene na strani 3.

Ukoliko podnosilac zahtjeva do tada nije podnosio zahtjev za azil ili nije bio u procesu odobravanja boravka (§ 1 Odredbe o komisiji za posebne slučajeve), migraciona služba svoju odluku o rješenju zahtjeva posebnog slučaja daje na uvid komisiji za posebne slučajeve. Ako preporuka komisije odstupa od procjene migracione službe, odlučuje šef sigurnosne uprave.

Pozitivna odluka se mora dostaviti Državnom tajništvu za migracije (SEM) na odobrenje. Ako SEM odobri izdavanje boravišne dozvole, ista se može izdati. Negativna odluka se može osporiti uobičajenim pravnim sredstvima.



Dalje informacije vezane za pravo za strance

Detaljne informacije vezane za pravo za strance možete naći u uputama Migracione službe kantona Ciriha pod www.zh.ch/ma.



Kanton Zürich
Sicherheitsdirektion
Migrationsamt

Berninastrasse 45
8090 Zürich
Telefon +41 43 259 88 00
www.zh.ch/ma